

աղբին նախ գրեցին առ նա երթալ յԵրուսաղէմ, և յետոյ աղբ արարին նմա մնալ 'ի տեղի իւր ուր և է, և մի երթալ յԵրուսաղէմ, և նա առաքեաց 'ի ձեռն հաւատարմի զթղթեանս, զհրովարտակս վասն խարածի և վասն աքսորանաց Եղիա Եպիսկոպոսի, եւ ինքն արգելաւ անդ վասն ապստամբութեան Յունաց և խռովութեան աշխարհի, և սպասէր հրամանի Պատրիարքին, եւ յետ առաքելոյ ընդ այլ թղթեանս և զպատճէնս զրոյց Ամիրայից, ասէ 'ի ժամանակ գրոց ըստ պատշաճին տնօրինել, զի անդուսպ եւ խարդախ ապստամբքն լուիցեն, իմասցին և ծանիցեն թէ մարդիկ են յաշխարհի. սաստեա միոյն, զի այլքն երկիցեն, և ոչ ոք կարէ կալ հակառակ յԱստուծոյ պարգեւեալ իշխանութեանդ:

Գարբիէլ Պատրիարք գրեաց կոնդակ յորդորական բանիւ առ ժողովուրդս Եղիպոսոսի, եւ առաքեաց 'ի ձեռն Յակոբ վարդապետի, յորում պատուիրէր հայրական խըրատիւք հնազանդիլ առաջնորդի իւրեանց Սահակ վարդապետի իբրեւ իւրոյ փոխանորդի, և յանձն առնել նմա զհասոյթս եկեղեցւոյ եւ զայլ իրաւունս առաջնորդի. եւ տալ առատ նուէրս և ողորմութիւնս Յակոբ վարդապետին իբրեւ օգնութիւն 'ի նեղութեան Աթոռոյն, չպահել առ իւրեանս զպանդուխտ քահանայս, զի զբովանդակ հոգեւոր պէտս նոցին խոստանայր ընուլ յԱթոռոյն, (1821. յ8 Նոյեմբերի):

Տեսեալ Լատինաց թէ յետ անցանելոյ երկուց ամաց Հայք ոչկարացին բերել զհրովարտակն վասն փակման դրան, բողոք բարձին առ Կոստակալն Տէրվիչ Փաշա, և խնդրէին բանալ զգուռն, և նա գրեաց առ Գատաւորս Երուսաղէմի, ելանել 'ի քննութիւն տեղւոյն, եւ ստուգել զխնդիրն ամենայն պարագայիւք և ծանուցանել ինքեան, որ և արարին իսկ, սակայն չեղեւ անտի օգուտ ինչ Լատինաց:

